

Najib lancar Festival Makanan Malaysia di Milan
The Malaysian Insider
Oct 4, 2015

"Roti canai terbang" oleh Chef Asmawi Rozli atau lebih dikenali Mawi menarik perhatian tetamu pada Festival Makanan Malaysia yang diadakan di Malaysian Pavillion di Expo Milano 2015 dengan kemahirannya memusingkan makanan kegemaran rakyat Malaysia itu di udara.

Mawi menunjukkan kepada penonton cara membuat roti canai bermula dari menguli hingga menebarnya di udara sambil menari sehingga mendapat tepukan gemuruh tetamu.

Roti canai merupakan antara hidangan Malaysia yang dihidangkan kepada tetamu asing pada Festival Makanan Malaysia yang dilancarkan Perdana Menteri Datuk Seri Najib Razak di Milan, malam tadi.

Tetamu turut dijamukan dengan makanan terkenal Malaysia yang lain seperti sate, rendang daging, asam laksa, dim sum, karipap, pisang goreng, cucur udang dan bubur pulut hitam dan pengat pisang serta teh tarik.

Selain makanan tetamu dihiburkan dengan persembahan kebudayaan Malaysia oleh penari Jabatan Kesenian dan Kebudayaan Negara.

Turut hadir ialah isteri perdana menteri Datin Seri Rosmah Mansor, Menteri Perdagangan Antarabangsa dan Industri Datuk Seri Mustapa Mohamed dan Menteri Pelancongan dan Kebudayaan Datuk Datuk Seri Mohamed Nazri Abdul Aziz. – Bernama, 4 Oktober, 2015.

Copyright © 2015 Edge Insider Sdn Bhd

Source:

<http://www.themalaysianinsider.com/bahasa/article/najib-lancar-festival-makanan-malaysia-di-milan>